

# Хөд киргългънă кӧдлмш тӧгсв

Приозерн района, „Приозерный“ совхоз хӧ киргългънă кӧдлмшăн тӧгсăчкв. Эн джил ут-туршдан 32560 хӧн киргългв, теднăс 1283 центнер ноос киргълдж авад, 1107 центнер ноос государствд орулдж ӧгв.

Дундлад хӧн болгънас 4 килограмм ноос киргълдж авб. Киргълч ӱр Басангова Цагъан 1217 хӧ киргълд, 5370 килограмм ноос киргълдж авб. Эн киргълч ӧдр болгън 33-38 хӧ киргълджăв. ӱр Давиденко Пелагея, Санджиева Нина ӧдр болгън 40-45-д хӧ киргълджăв.

„Приозерный“ совхозин дундин школин 9-ч классин сургълч, комсомолец ӱр Гри-

циенко Виктор сургълч джил тӧгсснă хӧн хӧд киргългънă кӧдлмшт эврăннь сăн дурар гарв. Тегăд эн сургълч киргълч болдж кӧдлад, 593 хӧ киргълч, хӧ киргългънă кӧдлмшт кильмджăн ӧгăд эв-довинь медлж авад В.Гриценко ӧдр болгън 35 хӧ киргълджăв. Иим шунмгъа, дамшлтта сургълч комсомолец ӱр Гриценкогъас наадк сургълчнр ӱлгӱр авх йоста.

Ода совхоз государствд орулдж ӧгх зурагъан кӱцăхин тӧлă хӧдлăсн киргълч авсн ноосан белдлгънă пунктур зӧдгълд чилăджăнă.

Н. ГАЛЕНКО.